

Sed eheu ! inter gaudia quibus hâc occasione gestimus, obvisci non licet Vicarium Christi, omnium Christianorum Patrem et Infallibilem Doctorem, mæstitia repleti, in vinculis detineri, patrimonio Sancti Petri spoliatum fuisse et quotidianis inimicorum crucis Christi et veritatis, minis et conviciis affici.

Quanto etiam animi stupore audivimus Sacram illam ac Venerabilem de Propaganda Fide Congregationem, quæ nobis et permultis in orbe terrarum ecclesiis, ministra est beneficiorum Sanctæ Sedis, temporalibus redditibus privatam et quasi ad indigentiam redactam ! Nec nos latet ecclesiarum Urbis spoliatio, vel etiam destructio, religionum et sanctimonialium expulsio, legum tandem promulgatio ad hunc finem tendentium ut omnis religionis et justitiæ sensus penitus deleatur.

Hæc considerantes, simul cum dolente dolemus et coram Omnipotenti Deo manus supplicantes attolimus. Scimus PATERNITATEM VESTRAM firmissima confidentia credere tandem aliquando implendum verbum illud solemne quo Christus Petrum posuit Ecclesiæ suæ indefectibile juxta ac infallibile fundamentum, contra quod portæ inferi numquam prævalebunt. Spes similis reposita est in sinu nostro : et nos credimus et confidimus. Cum autem tempora et momenta in manu Dei sint, et precibus abbreviari possint dies huius, hoc a Deo non cessabimus implorare ut PATERNITAS VESTRA, iisdem oculis quibus afflictionem Ecclesiæ vidit et luit, gaudium et exultationem perecipiat et miretur magna et incomprehensibilia et mirabilia quæ factururus est Dominus. Fiat, Fiat !!

Talia ex intimo corde deprompta vota exprimentes, BEATISSIME PATER, nos filii obsequentissimi, apostolicam imploramus benedictionem super Ecclesiam Quebecensem et super omnes diœceses quæ ab ea certum ducunt, ut ad Dominum convertantur universi fines vastissimi territorii et fructu justitiæ repleantur ad Majorem Gloriam Christi Dei !

Quebeci. die primâ octobris MDCCCLXIV.